



SIARAN MEDIA

UDA SALUR RM60 RIBU MENERUSI PROGRAM UDA CARES; BACK TO SCHOOL 2023 @ SABAH

KADAMAIAN, 1 Februari 2023 – UDA Holdings Berhad (UDA) peneraju pembangunan hartanah dan pengurusan aset merangkumi pelaburan dan pengurusan harta, hospitaliti serta pengurusan fasiliti yang juga agensi di bawah Kementerian Pembangunan Usahawan dan Koperasi (KUSKOP), menganjurkan program tanggungjawab sosial korporat (CSR) UDA Cares; Back to School 2023 @ Sabah di sini, hari ini.

Sebanyak RM60,000 diperuntukkan bagi program yang memanfaatkan seramai 449 pelajar dari 14 buah sekolah di dua kawasan iaitu Kadamaian dan Penampang. Setiap pelajar menerima sumbangan berupa beg sekolah, bekas bekal makanan, alat tulis dan subsidi pakaian seragam sekolah untuk persiapan bagi sesi persekolahan yang baharu.

Penerima sumbangan di Kadamaian terdiri daripada 300 pelajar dari 10 buah sekolah. Bagi program di Kadamaian hari ini, Suruhanjaya Koperasi Malaysia (SKM) yang juga merupakan agensi KUSKOP, turut berganding bahu bersama UDA dalam menyantuni komuniti setempat dengan menghulurkan sumbangan berupa bekas bekal makanan serta botol air minuman.

Majlis penyerahan sumbangan kepada 300 pelajar di Kadamaian telah disempurnakan oleh YB Datuk Ewon Benedick, Menteri Pembangunan Usahawan dan Koperasi di Sekolah Kebangsaan Tamu Darat.

YB Datuk Ewon berkata, “Inisiatif UDA ini mencerminkan komitmen Kementerian dan agensi dalam membantu komuniti memerlukan. Usaha seumpama ini juga harus dijadikan contoh serta menggalakkan lebih banyak syarikat berkaitan kerajaan mahupun syarikat swasta yang lain untuk menyantuni komuniti yang kurang bernasib baik,” kata beliau.

YBrs Sr Mohd. Salem Kailany, Presiden/Ketua Pegawai Eksekutif UDA berkata, “Program UDA Cares; Back to School 2023 pada tahun ini memberi pendekatan baharu dengan menyantuni komuniti di Sabah. Program tahunan ini turut diadakan di Johor, Pulau Pinang dan Kedah. Penganjuran program ini adalah langkah proaktif UDA bagi menyumbang

kembali kepada komuniti yang memerlukan di seluruh Malaysia bagi meringankan beban mereka untuk membuat persiapan kembali ke sekolah pada bulan Mac akan datang.

“Usaha ini juga selari dengan penjenamaan baharu UDA iaitu ‘LIFE’ yang menterjemahkan komitmen UDA dalam memberi kehidupan yang lebih baik kepada komuniti seterusnya dalam meniupkan semangat kepada semua pelajar untuk memulakan sesi persekolahan baharu,” kata beliau.

Turut hadir YBhg Datuk Nordin Murat, Ketua Pegawai Operasi Perniagaan Hartanah dan Teknikal Kumpulan UDA serta YBrs Puan Radziah Mohamed Fadzil, Ketua Bahagian Komunikasi Korporat Kumpulan UDA.

Sumbangan kepada 149 pelajar di kawasan Penampang telah disampaikan oleh YB Datuk Ewon, semalam (31 Januari 2023). Penerima sumbangan terdiri daripada pelajar dari empat (4) buah sekolah iaitu Sekolah Kebangsaan Longkogungan, Sekolah Kebangsaan Terian, Sekolah Kebangsaan Buayan dan Sekolah Kebangsaan Tampasak Togudon. Sempena program ini, UDA turut menambahbaik tandas di Sekolah Kebangsaan Tampasak Togudon.

TAMAT

UDA HOLDINGS BERHAD

UDA Holdings Berhad (UDA) yang dulu dikenali sebagai Perbadanan Pembangunan Bandar (Urban Development Authority) telah ditubuhkan pada tahun 1971, kini merupakan syarikat berkaitan kerajaan (GLC) di bawah seliaan Kementerian Pembangunan Usahawan dan Koperasi (KUSKOP).

Setelah lima dekad, UDA terus komited dalam mencorakkan, membentuk serta memodenkan bandar-bandar utama di Malaysia.

Kini, UDA adalah salah sebuah organisasi yang berdaya saing dan mampan di Malaysia dengan memfokuskan pada empat perniagaan teras iaitu hartanah (UDA Property), pelaburan dan pengurusan harta (PIM), hospitaliti (UDA Hospitality) dan pengurusan fasiliti (UDA Facility Management).

UDA turut konsisten bekerja keras bagi memenuhi misi memberikan produk dengan nilai terbaik seterusnya kekal mampan dengan menerapkan ciri-ciri 'Life' iaitu *Legacy* (Legasi), *Integrated* (Integrasi), *Finesse* (Ketelitian) dan *Enrich* (Memperkasa) sebagai tunggak utama bagi semua rangkaian perniagaan UDA di seluruh Malaysia.

Untuk maklumat lanjut, sila layari www.uda.com.my. Sebarang pertanyaan media, sila hubungi:

Nor Hanisah Kamaruzaman (Nisa)	n.hanisah@udanet.com	+6013 597 4264
Mohamad Haziq Radhwan Mohd Yusoff	haziq.radhwan@udanet.com	+6011 2412 0907

Bahagian Komunikasi Korporat Kumpulan
Tingkat 6, Blok Menara, Kompleks Pertama,
Jalan Tuanku Abdul Rahman, 50100 Kuala Lumpur
Tel: +603 2730 8500 | Fax: +603 2731 2855

“MEMPERKASA GAYA HIDUP LESTARI”